

I. N. 3.

# MAGNES RERUM NATURALIUM,

*Quem,*

BENEDICENTE SUMMO NUMINE,

Suffraganteq; Amplissima in Regio ad Au-  
ram Musarum Palladio Facultate Philo-  
*lophica*—

PRÆSIDE

Clarissimo Viro

Dn. M. DANIELE ACHRELIO,  
Eloquentiæ Professore Regio & Ord.  
Præceptore atq; Promotore suo ju-  
giter colendo.

*Speciminis loco*

Publico examini modeste sittie

Sacre Regie Majestatis Stipend:

DANIEL G. HAGERT,  
Nylandus.

In Aud: Max: die 4. Maii, 1689.

---

Impr, apud JOH. L. WALLIUM, A.T.

74 107

*Reverendissimo in Christo Patri ac  
Domino*

**Dn. JOHANNI  
GEZELIO**

S. S. Theologiæ Doctori celeberrimo  
ut, Antehâc Superintendenti Narf-  
wenſi longe meritissimo, ſic jam Inclytæ  
Diceceſeos Aboenſis Epifcopo Regiis  
literis legitime deſignato ampliſſimo,  
Confiſtorii Eccleſiaſtici Præſidi  
gravifſimo,

*Mæcenati & Domino  
pia mente æternum  
Devenerando.*

**ANNOS**

*Maxime Reverendo Amplissimog,  
Domino*

**DN. JACOBO  
FLACHSENIO,**

S. S. Theologiæ Doctori Excellen-  
tissimo, Regiæ Academiæ Aboënsis  
Professori Primario, Diœcesis Ar-  
chi-Præposito, Ecclesiarum Abo-  
ënsium & Nummensis Pastori longè  
dignissimo, utriusque Consistorii  
Adseffori gravissimo

*Patrono & Promotori magno  
submisso animo ætatem  
prosequendo.*

**FELICITATEM!!!**

Tunc imprimis  
Exultant cœlorum atria,  
jubilat terrarum globus,  
viger Regnum gloria,  
triumphat imperiorum majestas,  
splendet Collegiorum autoritas,  
floret Consiliorum gratia,  
tripudiant omnium bonorum pectora,  
cum  
sua stat exornata integritate.

RELIGIO;

Sua decorata restitutio

JUSTITIA.

Hæc sunt illæ.

Rerum publicarum vincula,

Regum Bases,

Imperantium columna,

Ecclesiæ gubernacula,

curiarum fulcræ,

qvibus stat, regitur, gubernatur

universus bene constitutus orbis.

ut enim

JUSTITIA

Efflorescunt leges, jura, societates,

veniunt beneficiorum præmia,

coercunt malorum scelera,

conservatur omnis virtutis splendor.

Sic

RELIGIONE VERA,

quam

Anti-

Antiquissimi patres monumētis suis celebrarūt  
quam sancta Ecclesia dogmatibus suis profitetur  
quam orthodoxi Homines fide, constantia pro-  
magis magisq; (mulgant

Splendent superorum fulgida dōmicia  
lētatur Trinitatis imperscrutabilis unitas  
concinit Sanctus Angelorum chorus  
gratantur sibi piarum mentium viscera,  
fulgent sacra Ecclesiarum altaria.  
omni itaq; tempore.  
voluit Sanctissimus

### DEUS

ne

Hoc Reipublicæ columnæ,  
Hoc terrarum sidus,  
fucatæ veritatis gypso incrustaretur,  
Errorum Hæreticorum monstris vitiaretur,  
Horrendis Heterodoxiæ larvis obfulcaretur,

### VIRIS

Magnarum rerum usu peritissimis,  
Eruditionis & scientiarum laude conspicuis  
sapientia & Auctoritate robustis,

Ecclesiam suam

Errorum turbinibus vexatam,  
flagitorum tenebris oppletam,  
vulneribus luculentis concissam,

Clementissime

Exornare,

protegere;

Hanc tantam cœlestem gratiam  
agnoscit

Re-

Regnum nostrum Sveogothicum

Patria nostra Finklandia,

Dioecesis nostra Aboënsis,

siquidem

VIRI

edocti

In perabstrusis sacrarum literarum recessibus

longo sapientiae usu

acerrimo Doctrinæ studio

sinceræ vitæ exercitio

Religionis nostræ purissimæ clarissimam famam  
divulgant.

Horum itaque

SALVE

Reverendissime in Christo Pater

EPISCOPE

Ecclesiæ insigne Præsidium

Religionis firmissimum robur;

quem

Benigno Cœli favore

Regis augustissimi gratia

jam jam

Singularis omnium bonorum applausus

Humilimo voto

Ad has expectat oras.

SALVE

Summè Reverende Academiæ Aboensis

PROFESSOR PRIMARIE,

Religionis Defensor,

Doctorum splendor,

Quem

In locum Theologi undiqueq; consummatissimi  
Divina Majestas, Re-

Regis Clementia,  
cordatorum pietas,  
**Clementer**, gratiose, feliciter,  
constituit  
surrogavit.

Humeris vestris magna Regni onera imposita  
novimus:  
nimirum

Seculo pacem  
Ecclesiae quietem  
patriæ tranquillitatem  
**Gloria Vestrâ**  
parare.  
Itaque

In submissas gratulantium voces  
erupit

Universa studiosorum coronæ,  
cordatus literatorum orbis,

Hanc Cœli immensam bonitatem,  
Hæc Patriæ prosperrima fata,

Hunc Ecclesiae tranquilliorem statum  
grata, pia, sancta, agnoscens mente.

Ego autem  
Tantam felicitatem perpendens,  
animi alacritatem,  
lætitiae magnitudinem,  
intra-

lætabundi pectoris recessus  
non potui retinere;

Sed

qualicunq; declarare testimonio. le-

Iccireo Discursum huic Academicum  
ingenii tenuissimi mei  
exiguos conceptus

De RERUM abditissimis arcanis  
repräsentantem (nibus

Clarissimis Vest: Ampliss: Dignitatum nomi-  
Humilimo pectore inscribere tentavi.

Quem

Eō Favore excipite  
**PATRONI MAGNI**,  
quo

omnium literatorum honesta conamina  
ad propositam metam provchere soliti estis.

VIVITE Vos  
**Excellentissimi Ecclesiae Antistites**

in multos annos!

Cœli fulgentia lumina,  
terrarum orbis ornamenta,  
fidei Lutheranæ propugnacula!

Vivite his in terris  
**Celeberrimâ virtutis famâ, inclyti**

Vivite in Cœlis

Æternâ felicitate ditati!

Quod submissè optat ille  
qui

In vestro erga literarum amatores patrocinio  
unice  
magnam felicitatis suæ partem collocat

VALETE!

DANIEL HAGERUS  
Auct: & Resp.

Pereximie DN. RESPONDENS amice  
singularis.

Q votiens cogito de inenarrabili illa  
mundi fabrica; totiens gaudeo &  
homini gratulor ejus felicitatem. Prodit  
in scenam, *mundi filius, heres divinitatis,*  
*angelorum pignus*; jam lustrat orbem ter-  
rarium, centrum & basin universæ ma-  
chinæ; jam quæ in Aëreo diaphano  
apparent atomorum & effluviorum  
faces, imagines, stillicidia, oculis con-  
templatur. Jam mente scandit in cœle-  
stes domos, Planetarum regiam, fixa-  
rum Palatia; heic postquam singulorum  
globorum lucidorum, opacorum, diver-  
fis coloribus rutilantium imagines, mo-  
tus, conjunctiones vidit. concludit firma  
consequentia, errasse *Aristotelem*, nescio  
quam erhystellinam glaciem, quos or-  
bes reales, quos intelligentiarum labo-  
res confinxisse; errasse ejus lectæ disci-  
pulos, qui sine judicio Astronomiæ im-  
periti, subscripterunt auctoritati nudæ;  
avidamque sciendi juventutem generali-  
bus quæstiunculis implent ac deludunt.  
Feliori fidere de hisce disputant phi-

Iosophi ELEATICI nostræ Academiæ  
Contignationem totam cingere vastum  
aqvarum limbum docet scriptura, nos-  
que sincera fide credimus. At vero non  
sufficit externa illa oculorum acie per-  
cepisse. Instrandum mente, auctoritate  
grandi, scientia casta, experientia in-  
fallibili in hæc divinitatis magnalia, ut  
ſagaci mente complectemur habeau-  
musque intellectu concluſum MAGNE-  
TEM RERUM naturalium ſive *consensus*  
& *differens* catenam firmiffimam. Si  
doctrinam hanc non conseqvimur, va-  
na ſunt Astrologorum judicia, vani  
prodigiorum effectus, vana medico-  
rum tentamina; vana Chymicorum  
labores, vana ſatis universa rerum  
physicarum tractatio. Laudo proinde  
tuos conatus, qvod de argumento ab-  
ſtrufiſſimo qvædam momenta volue-  
ris ventilare. Conatus itaq; honestos  
in posterum dirigat Deus.

T.

D. ACHRELIUS.

Gra-

GRATULATIO EXTEMPORANEA,

in

D I S S E R T A T I O N E M

Doctrina & moribus,

Pereximii

DN. DANIELIS HAGERTZ.

Quamvis me hasce jam lineas minus politas ducentem, undique & angustia temporis premat, & occupationum circumstret pat moles; tamen ad satisfaciendum amicitiae pignori, Caudor Tui (mi Amicissime HAGERT) ingenii, moresq; affabilitatis rore perspersi, imò hisce superaddita, & ab omnibus perspecta, Virtus & Eruditio, ob quas prætiosissimas tanquam gemmas cuncti Te magnificiunt, memet impulerunt. In primis in laudes tui nominis ire ipsa necessitas rerum non desiderat, sed quam vehementissime vetat; dum subtilis hæc materia à Te electa, ac in dissertationis modum variis colorum generibus conscripta, tuæ indolis fœtum penitus promulgat, atq; omnibus exhibet, scilicet De MAGNETISMO, qui in natura rerum conspicitur, & clarior interiora rimantium, curiosorumque oculorum aciei incurrit illa magnetica tam visibilium, quam invisibilium affinitatis cognitio

tio. Sed ulterius in hujus rei delineatione  
progredi pariter non permittit temporis  
ratio, prohibet quoque consideratio  
rum, tum & jugum licentiae meæ haud in  
consulto imponit hæcce sublimitas naturæ,  
cujus memet cum aliis ingens tantum subit  
admiratio. Transcēt igitur ea, dummo  
do satis laudabiliter & perqvam feliciter il  
lud expedivisti, ac nobismet ipsis expeditum  
reliquisti, tu Dn. Auctor atqve Respon  
dens. Lætor animitus, inquam, dum cer  
no tuos in hoc studiorum genere eximi  
os progressus; Proinde ac gratulor Ti  
bi dotes à Divino Numine concessas,  
quod etiam ex intimo animi latifundio ef  
fusis precibus contendō, ut suo cœlesti fa  
vore ac affulgente divinitus clementia tuis  
proporrò conatibus ad metam sapientiæ ac vir  
tutū tendentibus, semper adesse dignetur; Quo  
tandem sive Politiaæ sive Ecclesiæ tales ipso  
opere temet præstare queas, qualem nunc cùm  
specimina hæcce pulcra, tum fata feliora,  
non sine merito fieri portendunt. Vale.

*Tibi conjunctissimus*

SIMON LILLIEGREEN.

Lite-

IN NOMINE JESU SALVATORIS NOSTRI!  
**MOMENTUM PRIMUM,**  
*Præliminaria quædam brevissima evolvet.*

**D**um ingenii mei tenuioris tentamina huic artium arti & rerum admirandarum huic officinæ immergere decrevi, hocque ingens in maiestate naturæ refulgens Sacramentum, hoc mundi miraculum, & rerum omnium reconditorum abditissimum arcanum mentis accuratori scrutinio sistere constitui, in trivio consilii constitutus fuit animus, num hoc ancipitis fortunæ æqvor trajicere auspicarer, nam quicquid majoris mundi ambitu concluditur, quicquid in elementorum regno mirum oculis oggetitur, quicquid in interiori globi terraqve structura rarum, in exteriori facie pulchrum, id totum MAGNES in se veluti in diuinæ cujusdam Ideæ Archetypo, ordine imperscrutabili, partium universarum amicabili quadam harmonia, nec non sinceri fœderis vinculo veluti indissolubili coarctatum atque implicitum tenet. Hæret itaque mihi animus & veretur ne intricatissima rerum ubertas me acrioris judicii inopem,

tam prægrandia & alta seftantem, tam stupenda miracula, tam ineffabiles virtutes, tam uberes divitias avide timari desiderantem, ad imas errorum detrudat profunditates. Verum ut ut sit, mentem tamen trepidam invitabat, argumenti gravissimi nobilitas, levitas eximia, & venustas speciosissima. Qvâ propter ne in Vestibulo hoc primo avidum Lectoris animum hâc ænigmatica prælusione suspendam diutius, benedicente Numine Sacratissimo prout opem suppeditant, Labii sanctissimi æterna profunditas, virorum expertissimorum in hunc discursum accedentium unio, nec non veræ Experientiæ, nostræ sententiæ candidiorum calculum addentis consentiens approbatio; de hâc rerum, intimis in naturæ thalamis ac visceribus, delitescentium constitutione & indeole, seqventium momentorum ordine, candido pectore disqvirere & judicare conabor.

### MOMENTUM SECUNDUM,

*Etymon, mirabilem naturam & scrutinium difficile Magnetis breviter representabit.*

**A**ntequam aliquid de illis rerum naturalium virtutibus quas alii vocant qualitates occultas & infandas, alii sympatheticas & antipathicas, nos autem hic MAGNETEM sive magneti-

tisnum rerum appellamus, tractare incipimus,  
 Philosophorum illum labyrinthum, victorem  
 eruditorum atque abyssum impenetrabilem,  
 Magnetem scil. Herculeum, nomen juxta non-  
 nullos à viribus Herculis, similitudine à virtu-  
 tum suarum magnitudine desumpta sortitum,  
 omnium primo rationis judiciis subjicimus.  
 Hunc alii à tractiva ferri virtute σιδηρίτης ap-  
 pellant, quidam à magnesia regione, circa  
 quam teste Lucretio erutum ferunt, nec desunt  
 illi qui à Magnete Idæi montis Pastore, (quem  
 inventorem ejus dicunt) appellationem suam  
 obtinuisse credunt; de cuius rei certitudine hic  
 ne multum disquirere constituimus, cum in  
 prodigiorum aliæ ejusdem naturæ enodatione,  
 tota subtilioris philosophantis industria defu-  
 dare magnopere necessum habeat. Mentes  
 namq; accuratorum ita in admirationem ra-  
 pit hoc mineralis mundi prodigium, animos-  
 que eorum eminentissimo virtutis suæ vigore  
 solus singulari quâdam prærogativâ & vita ad  
 se movendum manibusq; veluti ad se trahen-  
 dum apprehendendumq; mirifice à ludibunda  
 natura, sit instructus. Novum certe & exoticum  
 est hoc Naturæ portentum, dum passionum  
 ardores adspicimus, quomodo ipsi lapides suos  
 patiuntur affectus, ferrum suis mulcetur illece-  
 bris flammæq; in rigido regnant Marmore.

Stupor & admiratio animum certe occupat, cum animadvertisimus, quanto, adferri præsentiam amoris østro, hic **Magnes** percellatur, quam diversos motus, donec bono tantopere **concupito** perfueratur, affectet; cum modo in directu, modo in obliquum feratur; nunc sursam iterum deorsum, pro varia Sponsæ occurratione declinet; jam lætus & hilarius, summo impietu, in amicabiles irruit amplexus; statim indignabundus ab ejus adspectu, anxius & sollicitus se subducit, & Zelotypico ut ita dicere liceat, agitatus affectu, in gemitus, suspiria, squallidosque lugitus queribundus erumpit; Cujus rei admiratio adhuc major evadit, cum intellegimus Magnetem non solum ferrum ineradicibili desiderio ardenter exoptare, sed etiam vice versa à ferro vehementer amari; hoc enim Clarissimo veritatis fulgore splendescere probat Magistra Rerum Experientia, nam quam primum Magnes atque ferrum intra activitatis sphæram sint posita, lapisq; magneticus liber & exiguis existat ferro imminet, si autem robustior, metallum hoc ad se vehementi amore trahit, cuius prodigiosi, hujusmodi ludentis naturæ operis ratio, vestiganda forte erit in utrorumque radicali vigore, & similitudine naturæ, dissimilia quippe ut societ-

societatem mucuam fugiunt, sic similia & amica mutuo semper se amplectuntur amore. Cum autem omnes rerum species illo primitatis veluti adminiculo instructæ sint, quibus ad totius universi perfectionem conspirant, hinc colligere licet hæc corpora ob qualitatum convenientiam per sincerum concurrere amorem, quo in sui & naturæ bonum Conservativum indefesso labore desudant; Præterea quemadmodum Astronomi in Cœlestis globi corpore duo puncta mundani axis terminos, quos *Polos* vocant, constituunt, ita in Magnetico corpore, quolibet, *Duo Poli*, qvorum unus septentrioni alter austro se obvertit tanquam motionum effectuumque magneticorum primarii termini à Natura constituti, observantur; quas prodigiosas naturæ facultates maximisq; naturæ exploratores ita admirati sunt, ut dum effectum insolentium causas & rationes inquirere sategerunt, acutissimis suis in hunc lapidem illis luminibus, *vulnusq; regium* instar coecutientes, facilitori negotio aliquid, quod his occultæ naturæ miraculis objiciant, qvam qvod respondere possint, inveniant. Nec desunt illi qui rei difficultate perterriti, gloriosum abditarum rerum Scrutinium, subterfugiunt, materiam, humanis viribus veluti imperscrutabilem sine ingenii aliquo cruciatu

abjicientes intactam relinqvunt. Sed cum  
altioris ingenii animiq; eminentioris Philo-  
sophi reperiantur, qui ob naturalem illam φι-  
λομάθειαν veritatisq; adipiscendæ amorem  
& studium, hoc tam nobile & omnium scri-  
ptrorum pene encomiis celebratum argumen-  
tum, sub incudem revocantes, multiplici ob-  
servatione illustrarunt: ipse non potui quin  
etiam meos conceptus de hâc tam sublimi ma-  
teria hic publici juris facerem, resum nimi-  
sum MAGNETEM cordatorum philosophan-  
tium, rationum gravissimarum insistens vesti-  
giis tenui opera leviq; expositionis penicillo  
candidè adumbrarem. Ut autem Cymbam  
meam in immensum Oceanum emissam tran-  
quillior exciperet portus, & Magnetismi Via-  
res eo accuratori examinarentur judicio, pri-  
mum Magnetismi proprie sic dicti causas &  
virtutes, explicare volui, quo hinc ducta qua-  
dam ἀναλογίᾳ magnetismum rerum singula-  
rum, rationibus & experimentis cōprobatum,  
atq; per convenientem aërorum cum passi-  
vis compositionem admirandos effectus pro-  
ducentem hic inculcarem. Hâc via ita stra-  
ta, Magnetem per universam & pantomor-  
pham mundi naturam diffusam, qui univer-  
sitatem rerum, certo ordine gubernat, con-  
stantia regit immutabili, & divina veluti qua-  
dam

dam lege architectonica conservat, jam jam  
distinctis momentis paulò exactiori mentis  
scrutinio evolvere aggredior. Sit itaq;

### MOMENTUM TERTIUM,

*Quod, universam naturam Rerum in lite &  
amicitia positam esse, omnes earum a-  
ctiones amore attractus & repulsus odio  
peragi, causasq; hujusmodi mirificarum  
Operationum paucis explicabit.*

**Q**viequid in pulcherrimâ hâc mundi ma-  
china, tantoque rerum inenarrabili appa-  
ratu, inveniri unquam potest Conditoris D.  
T. O. M. deprædicat gloriam, hominisq; tan-  
quam universi Systematis Epitomæ, utilitati  
& commodo inservit; & quemadmodum ma-  
gna & mirabilia sunt ista omnia quæ æternus  
ille mundi genius, intra ἐξανθεγον illud ex  
NHILO modo imperscrutabili creavit, atque  
in tantum diduxit ornatum, qvi omnes in  
suam admirationem trahit, piorumq; corda  
ad debitas laudes, Divinæ Majestati decan-  
tandas sedulo invitat, stimulatqve. Sic etiam  
qualiacunq; sint in unam *Harmoniam* miro  
födere conspirant, atq; sic totum id quod  
*Naturam* vocamus, mutuis veluti amplexi-  
bus, ligamentis, officiis, muneribusq; conne-  
xum, tanquam unum ex omnibus & omnia

ex uno, in tanta dissimilium, discrepantiumq;  
Multitudine rerū admirando quodam consensu  
convenit & miscetur. Sub hāc itaque discordi  
concordia rerum, latet totius naturæ thes-  
aurus & arcana divinæ Sapientiæ Sacramen-  
ta, quorum Scientia imbutus Salomon, adeò  
gloriabatur ut Regnorum gloriæ, sceptro-  
rumq; dignitati multo eam anteponendam du-  
xerit. Sed priusquam ad ipsam specialiorum  
Rerum investigationem perveniamus, que-  
nam, quales aut quotuplices mirificarum hu-  
jusmodi Naturæ operationum sunt causæ, ne  
in confusa illa rerum infinitarum congerie,  
sine ordine versemur, hac prolusione in an-  
tecessū hoc negotium illustrare visum est.  
*Litem* hanc atque *concordiam* rerum, quarum  
hanc συμπάθειαν, illam ἀντίπαθιαν appell-  
lant Græci. non unam sed plures habere causas  
in propatulo est. Dubii hæserunt scriptores &  
in varias opiniones lapsi sunt, dum insolito-  
rum istorum effectuum latentes causas inve-  
stigarunt. Quidam Dei voluntatem dictorum  
in mundo mirabilium effectuum causam im-  
mediatam statuerunt. Sed hi magis pie quam  
vere sentiunt. Qvis enim ignorare potest De-  
um omnium rerum naturalium principium &  
causam esse, à qua omnia essentialiter depen-  
dent; De hac namque universali & princi-  
pissima

lissima causa non inquiritur cum virtutis attractivæ Magnetis, aliorumq; prodigiosarum operationum causam, indagamus, nam hujus modi causæ cognitio nullam in animo philosophantibus parit scientiam, sed eam unicè ab intimis & proximis rei principiis, formandam judicamus: Alii intelligentiū causam adscriperunt, qvi nullum lapidem, plantam, aut animal esse, quod à sua particulari intelligentia non gubernetur, existimant; Nonnulli solum influxum Cœlestem causam arbitrati sunt. Sed hæ sententiæ in Universalibus & remotis subsistunt. Nec desunt illi, qui ad qualitatem occultam fugiunt ac nullam proinde aliam genuinam. Causam inqvirendam; sed naturam hic humano ingenio, metas præscripsisse, aturnant. Verum alii his suo modo abjectis, experientiæ & naturæ rerum convenientibus ut putant rationibus suffulti primo afferunt hunc consensum & dissensum Rerum ex primarum qualitatum habitudine oriti: Sic morbis calidis frigida, frigidis calida, siccis humida, humidis sicca adhibentur medicamenta, quæ admitandis dotibus adeò instructa, ut licet per se contraria sint, interpositione tamen mediorum discordem videntur affectare concordiam. Sie in certis quibusdam animalibus, istum compérimus calorem, qui in illis igne

Elementari majorem efficaciam habet, e.g: in struthione, hic consumit ferrum in stomacho intra unum diem, quod ignis quamvis inten-  
sissimus nisi longo tempore consumere pos-  
set, qvæ operatio non ipsius ventriculo, sed  
adjuncto alio salino nitroso quo ejusmodi a-  
nimalia turgent, adscribenda erit. Secundo  
probant ejusmodi rerum consensum & dis-  
sensum ex subtilium & insensibilium vaporum  
emissione in praesentia objecta, quæ harum  
mirabilium operationum causa etiam censem-  
da; Hæc juxta nos authores dicitur vel com-  
munis, vel particularis, communem dicimus  
non quod sit manifesta, qvæ in sensus incur-  
rit, sed quod plerumq; in una integra specie,  
h. e. omnibus speciei individuis insit. Ita  
inter brassicam & Rutam perpetua viget di-  
scordia, eò quod una insensibilium vaporum  
abundanti emissione, alterius necessarium sub-  
trahat alimentum; particularis autem atque  
propria quæ non omnibus & singulis indivi-  
duis, sed uni soli inest, sic solus Magnes inter  
lapides, modo quodam occulto attrahit fer-  
rum & vertit se ad polos mundi. Hinc omnia  
contagionis genera provenire staruant nam  
vi ista attractiva seu magnetica, qvâ amica se-  
se mutuo adficiunt, sèpè sœva oculorum sym-  
ptomata, quæ ex spiritibus quibusdam subti-  
libus

libus, emissis ex oculis, imprimis autem ex sanguine, atrâ & flavâ bile corrupto, elevatis, & per Philtricūm oculi Organum, in rem amaram diffusis, excitari autumant; quam ~~per~~ porum insensibilium emissionem, faciunt causam, propter quam haud pauci reperiuntur, quibus Rosarum odor ingens tormentum adfert, nonnulli ad Cattorum præsentiam fudant, uti & ciborum quorundam ipsis contrarium, apparatam mensam. Quidam Liliorum fragrantia exanimari videntur. Et hujusmodi infinita alia, quibus passim refertæ sunt Historiæ, originemque suam non aliunde, quam ex ejusmodi animalium rerum spirituum subtiliorum, in passivis, in præsentiaq; similia objecta, emissione, trahere putant. Deinde nec contemnendi roboris momentis, hanc Rerum Sympathiam & antipathiam ex Diversa Climatū Constitutione, oriri contendunt, sic quædam animalia certis in locis, imo plantæ degere non possunt. Hoc modo illi qui sub Zonâ torridâ, ac Americe Regionibus habitantes, ad Arcton cum delati sunt, confessim moriuntur. Nonnulla ubi Canceri tropicum vel Capricorni subjerint, veluti peregrinâ Cœli, ira Offensa intereunt, sic Plantæ in locis faxosis crescere solitæ, si in humidiora & depressa transplantentur, mox quam primum

pingvem & mercurialem vaporem attraxerint etiam eodem punto detabescunt. Præterea rationes ducunt ex qualitate subjecti, sic alia contagio animalibus non hominibus, alia hominibus non animalibus imo etiam certæ nationi infesta est; Ut in *Regno Granatae novæ Hispanie* solis Indis certus morbus lethiferus est & contagiosus, quod haud dubiè originem suam à varia subjectorum qualitate trahere existimant. Quidam causas petunt à constitutione pororum quā ratione Adamantem, ob pororum angustias, ab igne immunem volunt; Deniq; mirandorum horum effectum causas esse calum & corpora siderea, harum rerum peritissimi, comprobare nituntur, stellas nimirum, motu, calore, & influxu particulari particulares effectus rebus sublunaribus imprime-re. Hinc sympathiā illam naturalem quā aliquid impensis amant homines, vel Antipathiam quā aliquid vehementius fugiunt oriri censem, sic in concitanda bile flava ingenium suum efficaciter exercet tumultuosus MARS; Melancholiā crudeliter exasperat SATURNUS; in sanguinem SOL & LUNA, suum imperium tenent. Quid non cæterorum siderum Luces in humanum corpus, ejusque temperamentum juris habeat? Notanter itaque dicit Neubusius in Theatr. Ingen: Humani, quam primum

tene-

genera infantium corpuscula, ex alvi maternæ,  
 latebris in natalem lucem prorepunt, cum aëre  
 cœli viribus imbuto, simul profectas à stellis  
 qualitates hauriunt, qua per universum dif-  
 fusæ corpus, permixtæ humoribus ac spiriti-  
 bus, cum ipsa membrorum compage coalescent,  
 & celesti vi corpus animant, hominemq; ad  
 certas cupiditates vehementissimè inclinant;  
 Has & plures ejusmodi effectuum causas pro-  
 lixo satis ætiologismo, adducit celeberr; ille  
 Athanasij Kircherus in Regno suo magnetico,  
 nec non Academiæ nostræ Eloq; Professor Ex-  
 cellentissimus Mag. Daniel Achrelius in Con-  
 templationum suarum libro I. pag: 52. Et. à  
 quorum sententia nequaquam aliena est Clar:  
 Jobannis Sperlings cuius unice insitimus ve-  
 stigiis dicendo in pag. m. 334. & 352. Homi-  
 nes bruta, plantas & quicquid terrenus com-  
 plectitur Orbis, cœlestem influxum experiri e-  
 gregie ab omni stellarum exercitu, qualitates  
 varias quibus variæ terræ, unde, aër cuncta-  
 que his contenta afficiuntur, diffundi. Sym-  
 patias uti & antipathias ex similitudine & dissi-  
 militudine qualitatū partim manifestarum, par-  
 tim occultarum, oriri. fundamentum amoris est  
 qualitatum similitudo dicit fundamentum v.  
 odii, qualitatum contrarietas. Cum itaque  
 ex hoc aliisque satis patet, omnes res agere  
 pcc

per effluxum qvendam sive diffusionem qva-  
litatis suæ in rem qvam afficiunt, factam, ef-  
fluxus autem is concipi non possit, nisi per  
lineas qvasdam brevissimas in orbem diffusas;  
hinc omnes rerum hujusmodi in se mutuò a-  
gentium productos effectus per radiationem  
quandam fieri, afferere volunt. Cum igitur  
inter cæteras prodigiosas naturæ operationes,  
præsertim in magneticis operibus, hujusmodi  
radiatio advertatur, qvam nos propriè Ma-  
gnetismum s. formalem magnetis aëlum dici-  
mus; Hinc per quandam similitudinem &  
ææλογίαν, omnium rerum vires ac qualita-  
tes qvibus in se occulte mutuâ radiatione  
agunt, magnetismos appellare voluimus. Sic  
breviter hisce generalioribus prælibatis, quo-  
modo nunc qvæq; res sit apta à provida natu-  
ra ejusmodi magneticas operationes perficere,  
jam tempus est ut aperiamus.

### MOMENTUM QVARTUM,

*Urano-magnetismum, planetarum astrorum-  
que magneticum consensum investiga-  
bit.*

**E**victum nunc est sympathiam & antipathia-  
m vagari in omni Regno rerum natu-  
ralium, unde omnium primò istum consen-  
sum examinabimus, quo Cœlestium & sub-  
luna-

lunarium naturæ, admirabili quædam catenâ ita inter se ligantur, ut etiam si per se contrariae videantur, in unum tamen mirabili quædam consensu coëant, imo tanta quarundam rerum sublunarium cum æthereis corporibus est amicitia, ut nisi amici corporis præsentia perfruantur, videantur nulla ratione intra naturæ terminos posse contineri; Sic *Solem* omnia sibi copulare aliisque corporibus vim copulandi communicare, nullus sanioris iudicii negabit; *Luna* in suas humidioris substantiæ res ita influit, ut nisi ejus aspectu fruantur plane contabescant; Sic cæterorum Planetarym influentias in res sibi amicas exonerari offendimus, atque sic hæc coagulatione, hæc fixatione, amabili veluti discordia, universam mixtorum sobolem cudunt; Exemplis rem illustremus quo eò certius Astrologis assentiiri queamus. SOLIS virtute *Crocus* & *aurum* recreatis spiritibus, Cor ad hilaritatem provocant, *Solis* ardore carbunculus in modum ardentis prunæ tralucens, clarum per tenebras lumen diffundit; Hoc cooperante *Paeonia* cerebrum reficit; *Zingiber* stomachum languentem corroborat. *Soli* debet *Hyacinthus* quod à Contagione pestifera incolumentem præstet. *Luna* mustelæ obnoxia, ad illius morum liquores in plantis & animantibus,

aut minuantur aut exuberant; maria ab imo  
impulsa effervescunt & insurgunt; aut repres-  
so diffluxu considerunt & resorbentur à Jove  
*salvia*, ut membris torpentibus vigorem re-  
stituat regitur; à Mercurio Achates ut pru-  
dentiam & facundiam præstet, à Saturno *Za-*  
*phi* ut protervas amantium libidines compe-  
scat, imo aliarum stellarum, quæ artificiosa  
facta similium cum similibus & dissimilibus  
combinatione, in hæc inferiora, largè partitis  
officiis dotum suarum vires communicant, quò  
spectat illud veterum Rabbinorum: *Non est*  
*Herba inferius, que non habet stellam suam*  
*superius, quæ ei dicat crescere.*

**MOMENTUM QUINTUM,**  
*Stoichejo magnetismum s. facultatem magne-  
ticam Elementorum parabili brevitate  
delineabit.*

**H**anc vicissim facultatem appello magneti-  
cam, idque ut superius dictum juxta ἀρα-  
λογίαν quandam; ut Magnes naturali eoque  
sibi innato appetitu, certum positionis suæ lo-  
cum, ut in eo veluti in centro quodam quiete-  
scat, appetit; sic haud absimilis à sapientissi-  
mo omnium rerum conditore singulis rebus  
naturalibus est insitus appetitus, quo situm,  
locumq; certum, veluti quietis suæ centrū  
appetunt,

appetunt, unde partium singularum, ad conservationem totius, unanimi conspiratione facta, magnetica illa rerum universi catena promanat. Dum itaque Elementorum corpora in rerum miscibilium productione dicimus hoc *Magnete* inter se ligari, speramus nos ea afferuisse quae rationi & Experientiae congrua sunt; Novimus enim Elementa naturali hoc magnetismo terrarum Orbem componentia, dum discordem hanc concordiam affectant, hanc quadruplici virtute a sapientissimo naturae Opifice ditata esse; Virtute nimirum 1. *Attractiva* & *Expulsiva* quae rarefactione & condensatione nunc rebellionis, nunc pacis foedera pangentes tamdiu luctantur, quamdiu victoriam tandem reportaverit, quae alteri qualitate sua, potentior fuerit 2. *Affiliativa*, quae perpetuo alterius perfectionem, vel unum aliud sibi assimilari nititur, nam ut tria Elementa sine igne mortua sunt, ita ignis sine tribus ceteris. Ignis vivit in aere haud secus ac aer in Igne, aqua in tellure, & tellus in aqua, Ignis aerem purgat, aer aquam, aqua terram, unumquodque sibi suoque splendori assimilat alterum. Quis ignorat aquam ipsam igni ceteroquin maximè contrariam, igni nihilominus, mediatore aere, in oleis ceterisque aquis combustilibus accensam ita con-

jungi, atque adeo utrumvis sibi alterum assimilare, ut identificata, ignis ne aqua, an aqua ignis dici debeat, vix discerni possit. 3. *Appetitiva loci* qua unumquodque proprium sibi & naturalem locum appetit sibiique suam determinat sedem. 4. *Communicativa*, quae magneticas suas vires, aliis quoque corporibus mixtis confert; unde nulla dari potest substantia corporea quae non ex hisce constat, nam omnia mixtae naturae corpora quae in hoc vasto mundi theatro continentur, ex his sunt composita, cum itaque vires eorum modo memoratas participant, non dubitamus operaciones istas magneticas, attractionis, assimilationis, situationis ac communicationis, in omni mixto sive minerali sive vegetabili sive sensitivo, mirabili modò, discordi quodam consensu agere.

### MOMENTUM SEXTUM.

*Meteoro-magnetismus. magnetem istum quem  
in regno meteororum contemplamur bre-  
viter examinabit.*

**C**um illa quae in praecedaneis, de mirabiliterum sublunarium magnetismo, & quomodo is per mutuam actionem & passionem quatuor Elementorum perficitur probè intelleximus, etiam meteorologicarum impressio-  
num, utpote pluviarum, tonitruum, fulgurum fulmi-

fulminum ceterorumq; meteororum causas, arte  
qvādam magnetico-meteorologicā par i ratione  
ostendere nunc animus est. Cum *Sol* illud  
Planetarum insigne decus in maria, in fluvios,  
in loca humidi ora dominium suum exerceat  
avidō qvodam attractu vapores ex aquosis lo-  
cis extrahit, quos in roridam substantiam at-  
tenuatos, ad frigidam usqve aēris regionem  
magnetica veluti vi rapit, ubi effluvia ista a-  
qua igne & aēre privantur, qvæ postqvam in  
nubem sunt formata, evadunt rorulenta, ad  
proprium ingenium redeunt, guttatiq; in  
terram descendentia, origini suæ postliminio  
restituuntur; Hinc beneficio solis vapores ~~mag-~~  
netico qvodam imperio aterabentū, & virtu-  
te appetiturā loci, frigoris præcipue ope, de-  
orsum naturalem idem affectante, ejusmodi  
guttarum stillicidia, nivium floccos vellera  
pruinæ, grandinumq; cumulos effici a-  
nimadvertisimus. Hac ratione ventos pro-  
duci probamus cum nimicū sidera,  
circumeundo terram radiis suis eam verbe-  
rant, atq; ex reflectione ingentem calorem gi-  
gnunt, calor autem postqvam calefaciendo a-  
ërem extenuaverat, se in vastum locum expli-  
cat atq; in omnem partem longe lateq;  
diffusus superna petit proximumq; sibi aërem  
facebit, displotitq; hic violenter autem com-

motus, cum altero sibi vicino colluctatur, donec aëris vixit, comprimatur cedatq; hoc modo veniunt, abeunt & variè vagantur venti, ventilantes tellurem & frigefacientes inferiorem hanc mundi coloniam, enarrant gloriam Dei, humane inserviunt genti, purgant aërem, facunditatem terræ conciliant, Galios innumeros usus ex sapientissimo & optimo Dei consilio, terrarum Orbi conferunt, Atque ex hisce satis luculenter patet, cur ventus borealis frigidus & siccus sit, cur è contra Auster, calidus & humidus, cur aliqui noxii, non nulli salubres, quidam fœundi alii steriles, sit hoc, propter vim magneticam meteorologicam; Ventus namq; medii dispositionem per quod transit, assumit, quod si frigidum sit, ventos frigidos, si calidum calidos, humidos si humidum, si per loca vaporosa & venenosiss turgentia halibus, flatus noxijs & interimentes, ut è contra, per salutaria salutiferos quoque flatus causabitur quis non experimento hoc cognovit, ut e.g. si per canalem nive repletum transuerit ventus frigidissimam & glacialem auram producit, si per eundem canalem, candentibus copertum carbonibus ardente & austuantem auram, si deniq; per canalem materiis odoratis aliisq; salutiferis, ut Cinnamoneo Cariophyllis, aliarumq; sva-

violentium rerum dulcore repletum spiraverit, fragrantissimam auram apportabit, & hoc quid aliud, quam viva & convenientissima attractio Magnetis representatio. Hac magnetica vi, fulgurum tonitruum, aliorumque ignitorum meteororum geneses fieri, prolixè satis ostendunt naturatum scrutatores qui statuunt fulgura ac tonitrua procreari, cum aqua imprimis radiorum solarium virtute rarefacta, in sublimo autem procul a terræ globo acta, condensatur concrescitque, dum vero nebulæ specie deorsum properat, dispellitur ab aere frigido versus calidum siccum subtilemque qui oxyus pervadens, crassam illam nubem rarefacit & ad summam subtilitatem producit, cum itaque jam locum postulet amplorem, atque ob frigidorum crassiorumque obstacula nubium, exitum non inveniat, necessario ex hac contrariorum colluctatione, quæ ita ab exhalatione sulphureo nitroso intra nubium vortices collecta oritur indeque accensa flamma, horrenda agitatione, vehementi fratre, strepituque impetuolo erumpit fulgur atque excutitur. Sic Tonitus ex particulis istis sulphureo nitroso spirituosis, quas Sol indefesso cœli motu radiis suis in terram insinuantibus extrahit, oriens, experimento probatur, quæ particulae subtiliores cum contrariae

erariarum sint qualitatum pugnam excitantia-  
um, modo quam primum fulmini materiam  
pararunt, accensam statim horribilis sonus ex-  
cipit, qui nihil aliud quam tumultuosus qui-  
dam mugitus, vehemensque fragor in nubi-  
bus ex nitri præcipue atq; sulphuris collucta-  
tione dum rumpitur aër, ortus, horribilisq;  
instar bombi, ad aures nostras delatus. Hac  
discordi rerum Concordia, etiam corruscantis  
illius fulguris admirandam accensionem fieri  
nobis suppeditat accuriorum Physicorum in  
hanc sententiam conspirans unanimitas; post  
quam enim Sol radiorum suorum virtute in-  
latebras terrarum sese insinuaverat, atque ex-  
fimo aquis macerato, locis nitrosis, aliisque  
putrescentibus materiis sulphureis atque bitu-  
minosis, uti & arboribus pice & resina tu-  
mentibus, pingues & ustibiles exspirationes,  
extraxerat, illæ in sublime ejusdem ope vectæ,  
vehementiæq; nubium colluctantium allitione  
in maximam tenuitatem reductæ, somitis in-  
star ab igne vicino, à summo usq; ad imum  
accenduntur. Et tunc cœlum corruscare vi-  
detur. Hinc satis innotescit, quomodo pulvis  
ille pyrius accenditur, ratione haudquaque  
dissimili quemadmodum namque in fulgure &  
tonitru excitando, natura requirit exhalatio-  
nem, nitrosis & sulphureis turgentem spiriti-  
bus

bus, ita hic pulvis tormentarius ex salnitro quoqve & carbonibus conficitur, atque sulphuris quidem munus est accendi, nitri vero celerrima fuga ob præsentem hostem aera pertrumpere, eoq; sonitum motu violento efficer. sic attrahendo, expellendoque similia cum dissimilibus, non secus ac Magnes quidam, in quovis naturalium rerum Regno, ad universi mundi & perfectionem. & Conservationem mirabili modo nunc amicitiaz nunc inimicitiaz foedera pangunt.

### MOMENTUM SEPTIMUM,

*Geo-magnetismum sive vim magneticam totæ terra ejusque singulis partibus inditam aperiet.*

Sic lustrato quantum ingenio adsequi licuit superioris globi cum hisce terreni mundi partibus, conjugio admirabili, nunc consequens erit, sincera fide ea promulgare miracula quæ æternus ille plastes, D. T. O. M. magnetismo in terraq; regno, imperscrutabili modo, nexusq; veluti indissolubili conclusit; Et hæc quidem stupenda & prægrandia sunt, quæ Terra inexplicabili industria intra corporis sui viscera tenet: Subeant in imbræ aquæ, rigescant in grandines, tumescant in fluctus, præcipitentur in torrentes, aër densetur

seruit nubibus, surat procellis, fremat turbinibus, gravescat hæc varietate saporum, odorum diversitate, tactibilium temperaturis, fæturis succorum, aliarumq; rerum injuriis vexetur, manet tamen cujusvis seminis & commixtionis matrix, Elementorum Basis, & omnium naturalium rerum fidissimum receptaculum. Hoc pacto vidimus mundanorum globorum corpora, mediante tanquam quodam conjugio, juxta admirabilem potentiam divinæ dispositionem ita concatenata esse, tam strictis amicitiæ legibus associata, tam indissolubili naturæ foedere convoluta existere, ut mundum potius perire necessum sit, quam ut unum alterius mutua ope destituatur. Hac tam mirabili combinatione, potentissimus ille Creator, universum geocosmi sykema formavit, ita ut ne secus, divinam suam maiestatem in hoc declarare voluerit, ac in corpore quodam humano. Quemadmodum enim hoc venis ac arteriis hinc inde obseruantibus, artificiosissime elaboratum, combinatur, ita vaftissima illa Terræ moles quoad interiorem suam constitutionem, tot tantisque cavitatibus, tot antris, tot canalibus, & abstrusis admirandorum meatum ductibus, est contignata, ut animus certe stupescat, dum hæc singula judicio, adseqvi voluerit.

Notum enim est terram mirum in modum  
 Aqvâ gaudere, quam avido suetu, tanq; in  
 bonum conservativum sui attrahit. sine cujus  
 glutino, in pulverem forsan abitura nec susti-  
 nere nec generationi rerum deservire posset.  
 Sic etiam aqua vi appetitiva loci sui naturalis,  
 in terram tanquam suum receptaculum natu-  
 rale, in quo spermaticam suam facultatem ex-  
 ercit, fertur, adeo ut quiequid in inferiori  
 hoc mundo producitur, Elementari hoc conju-  
 gio, accedentibus Aere & Igne has naturæ nu-  
 ptias, veluti paronymphis promoventibus, fieri,  
 omnino tenendum statuamus. Haud dissimi-  
 li consensu, Elementaris aquæ motu, incen-  
 dia Subterranea in Imis geocosmi pyrophyl-  
 aciis ac æstuariis effici putamus. Aqua namque  
 per universæ terræ poros sese insinuans,  
 aërem copiosum secum trahit, qui labentium  
 in subterraneis catadupis Aquarum, impetu  
 & violentiâ compressus per poros terræ in va-  
 sta antra, sulphure, nitro, vitriolo, aliisque  
 combustilibus materiis referta, compingitur  
 ibique nova semper advenientis aëris compres-  
 sione rarefactus, in terrarum cavernis, & ab-  
 ditis subterraneorum canalium conciliabulis  
 vagans, motu velutie exardescit, atque hinc ve-  
 luti è naturæ quibusdam pulmonibus, idone-

am respirationem, hauriens, exco carpitur igni, qui naturali quadam amicitia, per innumeros veluti caminos seu syphones, diductus circum universam terreni globi molem, paulatim serpit, atque numerosam quandam & infinitam miscibilium rerum sobolem producit; Propter hanc amoris atq[ue] concordie vim, fontium, fluminumq[ue] ex intimis terrae baptisteriis erumpentium, metallicisq[ue] factorum spiritibus admirabilem cum vastissimo Oceano consensum, hic ex intimioribus terrarum cavernis per absconditos & hydragogos ductus, largos ejusmodi fontium rivulos confluentes, tanquam commune aquarum pollubrum, amicabili quodam pacto excipit, eosq[ue] iterum confirmante Scriptura, domestica vicissim patria avido & magnetico appetitu per abstrusos incertorum meatum ductus mirificè retrahit, cuius veritatem Eccles: sic tuetur: *Omnes fluvii intrant in mare, illud non redundat, ad locum unde exeunt ad abiendum rursus revertuntur.* Atque haec est perfecta illa rerum, occulto hoc naturae motu agitatatum, magnetica περικύκλωσις, omnibus partibus ad integratem totius conspirantibus,

## MOMENTUM OCTAVUM,

*Hydro-magnetismum, sive mirabilem facultatem luminarium in Maria & Elementum aqueum breviter exhibebit.*

Qui penitus magnorum mundi Lunari-  
um in subterranea Oeconomia, atq; in-  
timis geocosmi latibus perenne conjugium  
fuerat perscrutatus, inficiari nequaquam pot-  
est, ea juxta D. T. O. M. sanctissimum con-  
silium, ob totius naturæ bonum rerumque o-  
mnium genesis & alimentum negotiari. Ita  
placuit omnipotenti disponere, ut *Sol* na-  
turali suo calore, inspiratione, actione  
radiationis & vi quadam fœundativa  
terum sublunarum promoveret generationes  
ut *Luna* uberibus turgens, certum succum  
alimentumque in hæc inferiora instillaret, at-  
que sic magnetica quadam facultate, & ener-  
gia, in numerosam non solummodo viventi-  
um propagationem, totius vegetabilis & sen-  
sivæ naturæ familiam, sed etiam in ipsum  
*Mare* suum Dominium exerceret. Unde in  
theseos propositæ expositionem, haud in con-  
gruè *aëstus marini* à siderum influxu incitati,  
mirabilem vim hic paulò prolixius explicare  
agredimur. Motus enim maris multiplices  
esse, quotidiana experientia partim iis, qui mare

accolunt; tum nautis qui ingentia Maris utriusque intervalla, sulcepta navigatione, conficiunt, innotescit. Nam alium adhuc esse motum præter eum, qui ventorum impulsu, oritur experimento manifestum evadit. *Primus motus est qui semestri spatio à septentrione in austrum, &c contra procedit;* constat enim Oceanum ex boreali mundi angulo, vehementi quodam impetu versus australem plagam prorumpere in *Oceano Atlantico*, quo sit qui ex Iusitania aut insulis quas *AZores* vocant, versus bonæ spei promontorium iter faciunt, id citius quam contra conficiant. Quænam hic jam velocioris tardiorisq; motus causa sit, investigandum. Rationibus nequaquam sumus destituti: *Sol* namq; cum perpetuis radiis suis *Zonæ torridæ* plagam normaliter feriat, ingentem aquarum molem attractam, partim attenuando, partim in nubes convertendo, consumit, atque proinde nimia aquarum consumptione *Zonæ torridæ* tractus velutie vacuos decliviores reddit. *Septentrionalis vero Oceanus extra solis radios constitutus, humidissimo suo temperamento plerumque circumvicinum aërem ad se convertendo continuum aquarum incrementum suscipere existimatur, seq; in consumptarum aquarum locū ita dispensante rerum naturā substituit.* Atque sic

sic naturali hoc rerum magnete, cœlestiumque magnorum corporum cum his inferioribus conjugio, torrido & macilento Oceano semper ex alterius Oceani ditioris penuario, singulis semestribus alternatim, veluti annona quædam, à provida natura, defectum unius excessu alterius supplendo, attribuitur. Alter Oceani motus fit ex ortu in occasum, diuturna enim experientia observatum est, multo breviori temporis intervallo ex *Lusitania* in *Mexicum* atq; ex *india versus caput bona spei* quam contra navigari, quod quidem nequamquam fieret, si motus maris ex ortu in occasum non foret rapidior. Tertium motum facimus menstruum. Qui singulis mensibus, bis crescit & bis vicissim decrescit, lunæ nunc incrementa nunc decrementa affectans; de hac intricatissimare ita differit Cl. Sperlingius inst: Phys: libro 4. p. m. 667. Humorum Domina luna cum in Oriente est, intumescit mare, & crescit vero ex parte occidentali e converso cum est in occasu, crescit mare ex parte occidentis & decrescit ex parte orientis; fit, ut plus vel minus Luna proficit in lumine, sic plus vel minus influxu suo se extendit aut retrahit ipsum Mare, Trahit itaque luna mare non vi quadam propriè dicta magnetica, sed tempore suo mare spiritibus implet id dilatando

tando, tumefaciendo, conspirante radiis suis sole, & luna proprietate sua connexa cum humore. Alios adhuc motus examinaremus nisi ratio instituti vetaret, B. itaq; Lectorem ad magnum illum Ath. Kirch, p: 470. de magnetismo. Solis lunæ & maris hujus rei investigatorem curiosissimum officiosa mente amandamus.

### MOMENTUM NONUM.

*Phyto-magnetismum affinitatem nimirum plantarum cum operationibus magnetis proponet.*

**M**agnam cum operationibus Magnetis plantas habere convenientiam, luculenta potest illustrari applicatione. Nam quemadmodum Magnes ex sua natura certam virtutis lineam, qualitatemq; quâ determinatam obtinet positionem & situm naturalem habet, ita Plantæ, frutices & arbores, haud dispari modo poros suos habent certa ratione dispositos atque in longum protractos: Hinc etsi rami Arboris pondere qvodam deprimantur, appetitus tamen tese elevandi adeò vehemens est, ut vel forculturum, stolonumque hinc inde erumpentium soboles, violentum situs statim redimente vicariâ veluti opera eleventur. Plantas autem illas qvibus natura scapos thyrso aliaq;

aliaque solidiuscula surrectionis instrumenta negavit, mirabili, prorsus nexu, aliis claviculis veluti fulturis & pedamentis quorum operas surrigentur ditavit, ita ut pororum suorum sive strictorum sive laxorum constitutionem, sicutumque naturalem in ordine ad Coeli solisque motum stricto quodam jure sibi praetenderent, quas si a naturali suo loco eradicatas, adultiores in alium locum transplantaveris, nunc violentum sive strictiorum sive leviorem occupantes sicut, inimicoque cœli aspectu se junctas sentientes, propter posteram & inconvenientem appositionem nunquam radices agunt, sed coecis flagrantes discordiis mærore tandem veluti indignabundæ marcescentesque contabescunt; Quocunq; itaque oculorum aciem convertimus, sensuumque aliorum beneficio hæc naturalium, mirabilia contemplamur, offendimus universam naturam in amicitia & lice possemus esse. Sic etiam totam Plantarum peculiari dote insularum Oeconomiam, aut naturali quodam consensu amica attrahere, aut dissensu inimica propulsare sentimus. Hinc irreconciliabile illud vitis & brassicæ odium, certamen prorsus hostile; hinc è contracum Olea concors familiaritas; hinc brassicæ cum cyclamino truculenta lis & inimicitia; hinc filix & arundo

arundo adeo cæca flagrant contentione, ut  
 subactis arundinetō filicibus, tota fistula illa  
 soboles pereat necesse est; hinc *arundo* præ-  
 sentia *corrudæ* maximâ afficitur voluptate.  
 Nihil de dissidiis *Rute* & *aconiti* dicam, ali-  
 isqve innumeris, quæ hoc loco adducere  
 possem, unde etiam admirandam illam plan-  
 tarum in alium locum transplantatarum su-  
 bitam metamorphosin spectamus. Has com-  
 motiones non alia ratione fieri nisi diffusa  
 qualitate per medium, quam à corpore agen-  
 te, usque ad corpus patiens pertingere statui-  
 mus, hinc propter activorum cum passivis  
 applicationem sive convenientem sive diffor-  
 mem, existimamus sympathiam hanc atqve  
 antipathiam oriri; adeoque quam primum  
 effluvium illud tenue in medio alias constitu-  
 tum insensibile, corpus invenerit, in quod a-  
 gat, sibi connaturale proportionatumque, sta-  
 tim in eo vires suas exerit. Hic nobis ansa  
 intelligendi illud commune Physicorum. Si-  
 mile non agit in simile scil virtute corruptio-  
 na ut in Elementis, agit tamen simile in si-  
 mili virtute perfectiva in iis quæ occulto & in-  
 vestigabili quodam consensu ad se invicem fe-  
 runtur. Cum itaque jam in hoc nos consti-  
 tutos intelligimus haud dissonum erit admi-  
 randum illum magnetem hoc loco etiam  
 pau-

paucis tantum scrutari, qui miro quodam modo in plantarum Regno inter planetas & plantas stupendos suos producit effectus. Plantæ quæ solem seqvuntur græcis ήλιοτροπæ h. c., *Soliseqvia* vocantur. In his præcipuum naturæ animadvertisimus conjugium atq; admirabile. Exempla adferunt illæ herbæ quæ florum suorum venustra specie, aurea q; foliorum in orbem diffusorum fætura, radian-  
 tis solis discum proximè seqvuntur: Tales sunt *Cyclamen chameleon*, *chrysanthemum*, *tulipa*, *lilium persicum*, *Heliotropia* proprie sic dicta, & *Acacia* quam admirantur Romani. Hujus folia solem ita amare ferunt, ut simulæ is ortus fuerit, laciniosam suam in dolem paulatim usque ad meridiem omnibus de-  
 coris sui speciem veluti ostendens, explicare solet; circa solis autem occasum mætore ve-  
 luti affecta, folia sua contrahit, & tunc, ne tam spectabilem aliquam foliorum venustatem quam perpungentes juniperorum spinas, re-  
 presentat. Aliæ plantæ etiam inveniuntur quæ singulare cum luna foedus habent, græcè σεληνήτροπæ *Luniseqvia*, tales nobis osten-  
 dit Apulejus, qui *Paeoniam* noctu lucere di-  
 cit, atq; ob id à pastoribus inveniri. Talem *Borizam* plantam, *Herbam Gvartam* apud Arabes botanicos repertam esse, testantur scri-  
 ptores

ptores, quæ aut foliis lunā mentiuntur, aut lunæ noctu lucentis imaginē, in splendida sua superficie reddunt, aliae ad lunam fulgent, aliæ ad ejus vicissitudines foliorū & fructuum suorum incrementa & decrementa sumunt. Pariter reliquias plantas ab astris occultè foveri existimamus, unde veteres Rabbini ne inepte dixerunt: *Nullam dari plantam in terra quæ non habet stellam in Cœlo, quæ ei dicat crescere.* Quā admiranda naturalium rerum Sympathia breviter pronunciata, expostulant nisi fallor curiosiora ingenia ut rationes tam prodigiōsī consensus inquiramus; itaq; juxta qvoscadam, adscribitur ratio partim calorī, partim frigori, partim naturali inclinationi. Notum namq; est florem humore coactū & quasi concretum comprimi, cum caloris sui destituitur facultate, id autem relaxante calore aperi, quod frigus coegerat; absentia item solis langvore constringi, præsentia autem ejus vegetius reddi: Duo igitur in magnetica hac actione consideranda veniunt, primo actio solis attractiva seu resolutiva, secundo plantæ qualitas & dispositio. Si igitur planta multo humore frigido abundet ne corruptionem incurrat, ad solem tanquam omnis caloris fontem & medicum quendam naturali

quasi instinctu sese convertit, Sol autem superfluos à nocturno frigore coactos humores cum extrahat, remedium suæ superfluitatis sentiens planta, solem ut magis magisque perficiatur, seqvitur, quanto plus adjuvetur quanto radios ejus perpendicularius ut ita loqvar imbiberit. In lunaribus autem plantis contraria ratio elucescit, cum enim ejusmodi plantæ copioso madore, tanquam necessario instrumento indigeant, torridique caloris utpote naturæ suæ contrarii sint impatiētes, sole naturalem succum extrahente, flaccescunt, & contrahendo se à solis inimicitiis tuticrem appetens locum, prout naturalis propria urget, ad lunam noctu tanquam larga communis matris ubera, vires suas benefica humectationis suæ vi restauratura, advolant. Hinc universa Lunæ soboles vi quadam tumefactiva inflata, dilatataq; tepido humoris beneficio veluti pinguiscit. Et quemadmodum *Sol & Luna* cum certis suis & convenientibus rebus inferioris mundi, mira quadam sponsalitia pangunt, sic nequaquam dubitamus multas alias in herbarum familia esse, quæ reliquorum Planetarum dotes sectantes, motum eorum mirabili quodam appetitu emulantur.

## MOMENTUM DECIMUM,

*Zoo-magnetismum sive rationem magneticam  
in sensitiva natura existentem, intra bac-  
rerum naturalium magnalia coarcta-  
bit.*

**D**um ab his hortorum amoenitatibus, illis herbarum fragrantium ordinibus, qui tam speciosa flosculorum dignitate, tam suavi odorum halitu, tam venusta caulum facie, tam amabili foliorum umbra odorifera sua & concinna Dispositione, totum terrarum orbem condecorant, discedimus, occurrit nobis adhuc grandior Ornamentorum gloria, incomprehensa nimirum animalium admiranda varietas, cuius scrutinium cum neminus nos in admirationem Divinæ potentiaz ducat quam aliorum divinorum operum ineffabilis Majestas, laude dignum Deoq; gratum fore arbitramur si etiam sympathiam & Antipathiam istam, quam inter volumina vermium, inter piscium examina, belluarum myriades, insectorum discrimina, volucrum agmina & aliorum animalium infinitam copiam animadvertisimus, praesenti discursui adjunxerimus. Mirum inquam in universo animalium regno consensum & dissensum offendimus, unum alterum nunc rapit, nunc fugit, nunc juvat nunc destruit; Sic *Gallus* vix natus E-

*lephant-*

lephantum non timet. Milvo autem conspecto  
 contremiscit Leo ferocissimum animal galli  
 perhorrescit cantum, lupum stupet ovis, canem  
 lepus, accipitrem columba, unicornu arcanea  
 & plura alia animalia, quæ aut vehementiori  
 amore in aliud fetuntur, aut truculentiori  
 perseqvuntur odio. Alimenta etiam multa  
 fastidiunt. Fame potius perit vultur, quam  
 attingat triticum. Ciconiae devorant serpen-  
 tes, galline araneas; Aquila & accipiter avi-  
 culis, anser & gallina frumentis aluntur. Mi-  
 rum narratur de magnetismo Mustelæ & bufo-  
 ni. Ferunt enim mustelam naturali quodam  
 dissensu Bufonem ita horrere, ut simul ac in  
 obvium inciderit, in eas mox angustias redi-  
 gitur, ut qui eam viderint, facile summis do-  
 loribus torqueri non sine causa advertant.  
 Nam voce primum tristi & lamentabili omnia  
 complere, arbores ipsas, obvios muros imo etiā  
 rivulos sive ut vitæ suæ fugâ consulat vel opem  
 contra atrocē hostem quærat tentare, quâ non  
 inventa desperatione veluti affectam, cum fle-  
 bili stridore bufoni appropinquantem in ejus  
 se os devorandam, intolerabiles illos dolores,  
 veluti compendiosa morte, redempturam con-  
 jicere ajunt, verisimile itaque videtur muste-  
 lam à bufone non trahi siquidem invicem  
 discordiis flagrant, sed nimio isto odio quo in  
 bufo.

bufonem effervescit, nullo potito auxilio in duellum solam cum Bufone viribus suis plus æquò confidentem, descendere bufonem vero appropinquantem, eam venenato suo halitu intoxicare, ut vel ad primum assultum exanimis vita in escam cedat bufoni. Quid de Homine memorabimus, multi caseum cæcis aversantur dissidiis, totoque animo ab ejus Esu imo & visu abhorrent. In nobili matrona observatum est, eam sine animi deliquio rosatum nequaquam potuisse ferre odorem. Idem de Cardinali affirmat Scaliger. Plures novimus inquit qui ab Esu carnium in totum abhorrebunt, alios quibus caseus non solum commestus, sed odoratus proveneno habetur; Sed & alium novimus natione Hispanum qui nunquam pisces gustarat, at cum ab amico semel ad cænam fuisset invitatus, ova que degustasset, quibus siccati pisces pulvis caute fuerat admixtus, in animi angustias cordis pressuras cum vomitu & secessu incidit ita ut prope exanimis defecerit. Alios videmus homines qui solo aspectu ad hunc diligendum naturali veluti magnetismo feruntur, ad illum vero odio prosequendum, sic regnat cæcum ubique odium, valerque illud Poëta: Non amo te Volusi nec possum dicere quare Hoc tantum possum dicere non amo te:

Plura

Plura ejusmodi exempla hic adferri possunt quæ de latente & abscondita illa rerum potestate, qua sive agant sive patiantur passim ab aceratissimorum authorum scriptis adhibere solet sapiens & delicata curiosarum mentium cohors, sed placet hic parabili brevitate, ea progredi via, qua metam attingere possimus.

### MOMENTUM UNDECIMUM,

*Deleterior magnetismum sive consensum venenorum paucissimis ostenderet.*

**D**iffusum esse Venenum per totum geocosmi corpus comprobante Experientia, non prolixâ probatione egemus, quod nec per malignum astrorum influxum, nec primarum qualitatum discrasiam, sed per vaporem quendam venenosum occulto quodam modo, ortum suum trahere afferunt, imbibuntur namque ni fallor qualitates istæ venenosæ ex ipsa Terra, ubi natales suos primordialiter ut ita loquar habet, i.e. ejus quippe utero, diversæ saluum species, sulphuris varia genera, tum pluri mercuriales succi, continentur; In hoc veneno pariter ac in aliis rebus naturalibus, mirabilem quendam *consensum* & *dissensum*, illum ob naturarum similitudinem, hunc ob pugnam & contrarietatem oriri existimant. Παρεγέδοξον autem merito quibusdam videri posset

posset, quomodo venenum veneno curari queat & quomodo vitæ nostræ contrarium vicam nobis largiri possit, sed quotidiana experientia cōpercum est, mortus & puncturas venenatorum animalium dictorum venenorū applicatione persanari, quod per attractum similiū magneticumq; confluxum fieri statuimus. Hinc serpentes naturali qvodam appetitu, qvicqvad in terra venenosum, contagiosum, putridum, suum veluti nutrimentum ex fugentes, in se tanquam naturalem Veneni bursam attractum, substantiæ quādam affinitate derivant. Hac ratione viperæ terrestræ, aquaticum Araneæ, aëreum virus, dupliciti officio, in sui nutrimentum, in commodum nostri, juxta mirabilem DEi providentiam auferunt. Ita caro viperina manducata viperæ, uti & scorpius scorpii mortum fanat, cuius rei ratio nulla alia est, nisi attractio quādam magnetica, quā simile naturaliter sibi simile appetit, amicaque facultas tractiva sui veneni quod certiori experimento in Medicorum Pharmacopoliis quam Physiologorum scholis comprobatum est. Brevitate itaque plura hic comprehendentes dicimus tuto cum magnæ fidei viris venenum, sive mineralium ex variis foliorum succis & bituminosis fluoribus mixtum; sive Plantarum ex subterrestrium qvisq; vili-

quiliarum liquoribus & nitrofis halitibus col-  
lectum; sive *Quadrupedum* ex alimentorum  
diversitate, sympathico quodam membro  
attractum; sive *Volatilium* ex haliti-  
bus lethiferis aërem inficiens; sive *Insestor-  
um* ex putrescente spuma, mucilagine terra-  
rum, horridoq; marcore contractum; sive *Ho-  
minum* qui per sua membra inter cæteros  
humores multum toxicum habent admixtum,  
omne quicquid sit, operationum suarum pri-  
mordia habere in ipsis vaporum abyssis. Hinc  
ipsa Venena inter se se nunc dulcia conjugia  
nunc levia prælia, nunc cum antipathicis  
corporibus æterna dissidia pangunt.

## MOMENTUM DUODECIMUM.

*Phantasio magnetissimum* sive *magnetum ima-  
ginationis* enodabit,

**M**agnorum Philosophorum ingenia torsit  
admirabilis & prodigiosa vis imaginati-  
va, quæ tam stupendas metamorphoses cau-  
satur, ut nullus Protheus in tot formas trans-  
formari possit, quem ipsa polymorpha sua  
transmutatione non superet. Et quemadmo-  
dum in multis aliis, ita in fœminis præ-  
gnantibus, hæc stupenda naturæ *ταρεκβασις*  
imprimis & potissimum se ostendit, dum filios  
nonnullæ variis stigmatis deformatos, variis-

quæ maculis & characterismis desideratarum  
 rerum pollutos producunt. Maximi itaque  
 negotii est ostendere quomodo ἡ Φαντασικὴ  
 id præstare possit. Avicenna ejusque sectato-  
 res adeo potentem imaginationis vim esse cen-  
 sebant, ut non modo in corpus multum ju-  
 ris habeat, sed & externam materiam move-  
 re, immutare, alterare possit absqve actione  
 per medium: sed perperam, siquidem ἐμμέ-  
 νεστα & immanens ab omnibus probe Philo-  
 sophantibus statuitur. Supponimus itaque  
 magnam animæ in corpus vim esse & imperi-  
 um cerebri que cum corde amicissimum con-  
 sensum, hinc postquam cerebrum quod est sen-  
 sus Principium, objectorum imagines cordi  
 communicaverat, ob recepti speciem bonam  
 cor lætatur, sin tristia nascitur, unde in ma-  
 lis tremit & palpitat, sensantemque in qvam-  
 dam λεποθυμiac scopissimè rapit. Nec mi-  
 norem cum reliquis membris corporis con-  
 sensum habet cerebrum, unde dum vehe-  
 mentius aliquid imaginamur, spiritibus ad  
 membra id ipsum defertur, quod vel exinde  
 clarum evadit, dum illos inspicimus qui vin-  
 dictam ardenter meditantur, & sola imagina-  
 tione illatæ injuriæ, diffusæbilis effervescentia in-  
 rabiem aguntur. Alii tormentorum apud in-  
 feros sustinendorum imaginatione in sudorem  
 fol.

solvuntur. Et hæc imaginativa ad omnes anima sensitiva instructos, non sine ratione refertur, quod imprimis in canibus ipsorum per quietem latratus declarat, quem sanè non ederent, nisi haberent insomniis occursantes sibi rerum i[n]agines; Causa itaq[ue], ut breviter agam magneticae hujus imaginativæ naturalis est *Anima* ut dictū est, & hæc imaginativa nullā fingit speciem quæ non aliquando in sensu externo & communi fuerat, *instrumentalis* est *circulatio sanguinis* sive *calor* cuius rei accuratius scrutinium eorum committimus industriæ, qui anatomicam exercent & naturæ intimiora penitus scrutantur, subjectum huius imaginativæ *Denominationis*, vel quod, est totum *animal*, subiectum *inhesionis* vel quo in statu unionis vulgo statuitur *cerebrum*. *Dissolutionis* autem *Anima*, plura velim videat B.L. ex facult. imagin: quam subtilissimam edidit Ph. Præst: & Hist. Prof. Adm. Rever: & Excellentissimus M. Andreas Wanochius c. 2. §. 3. 4. 5. Ex hac itaque magnetica Imaginatione dicunt matres propter facultatis imaginativæ vehementiam infantibus suis, varias rerum formas inducere ac nævos, lentigines, verrucas, lituras, species aliquando fructuum & similia, imprimis autē ex fortiori leporis obtutu edunt nonnullæ infantes Iupremo labello bifido, vel bifurca-

tim dissesto, quod diuturna experientia per-  
vulgatum. Ex hoc φαντασμαγνησμω  
patet quomodo intelligi debet commune illud  
adagium. *filiam ex adultera excusare ma-  
trem a culpa*, significatur enim hoc ipso, fi-  
lios ex adulterio natos, plerumque ma-  
gis esse similes marito Adulteræ, quam  
vero genitori, eo quod matrem di-  
cunt, continuo de marito cogitantem, metu-  
ere ne ab eo in hoc nefando scelere deprehen-  
datur; quapropter ex continua ista imagina-  
tione proli suæ mariti potius quam genitoris  
vultum imprimunt, quod de tam arduo ar-  
gumento hic loci satis sit, eorumque commit-  
tatur ulteriori disquisitioni qui harum rerum  
curam in medicorum Scholis sibi ven-  
diant.

### MOMENTUM DECIMUM TERTIUM

*Musico - Magnetismum sive potentem faculta-  
tem magneticam Musicæ, huic intricato  
discursui adjunget,*

**M**agnum modulis musicis inesse magnetis-  
mum magnamq; traxivæ virtutis effica-  
ciam, testabitur Orpheus quem prisci, anima-  
lia, sylvas imo ipsa saxa lyræ sono, in deside-  
rium & amorem sui traxisse ferunt, notantq;  
nihil tam facile in animos teneros atq; molles  
influere

influere, quam varios canendi sonos, neq; enim tam immite & efferatum cor esse poterit, quod aptis modelis & cantilenis animum deliciens tibus non remittatur, contra indecentibus & inconveniens, angatur & restringatur; perstrepunt intra bellorum horrenda murmura, tympanorum dulcisoni Clangores, resonant tibiarum jubila, concinunt modulamina tubarum, ad addendos præliantibus animos, ad suscitanda militum trementia pectora. Imo non tantum homines, musices mulcentur symphonia, sed etiam animalia bruta, quæ rationis usu minime gaudent, ejus mirifice capiuntur oblectamentis, alliciuntur Elephantes Strabone teste tympanis, hinc illud poëta, *fistula dulce canit volucrem dum decipit au-*  
*ceps.* Pascuntur eo avidius armenta, dum pavitoriae dulciter resonant sambucæ, quibus præmissis, non dubitamus musicæ quendam inesse magnetismum, qvi audientiū animos mira quādam voluptate, ad se trahit & nescio quo pathemate non afficit & delectat, ita ut dum optimè constitutam quandam Harmoniam, syavissimamq; melodiam percipimus, titillationem in corde animoq; hâc aptâ concitatione veluti attracto, sentire videamur, quæ mirabilem consensum, diversis modis seu tonis musicis, per notularum diminutiones, per ascensus, descen-

susq; reciprocationes per variam dissonorum cum consonis mistorum compositionem, adscribere non vetemur. Faciunt ut compendiose dicam quatuor præcipue ad animorū hanc magneticam tractionem 1. *Artificiosa tonorum mistura* qua consona dissonis adeo strictis amicitiae legibus connectuntur, ut nihil Savivius percipi possit, quam variaz ejusmodi tonorum intensiones & remissiones, quam fugarum artificiose contextarum mutuae amicæq; infsecutiones. 2. *Numerus determinatus versu comprehensus*, 3. *Ipsa verba seu textus cantilenarum*, 4. *Dispositio audientis*, quæ si abfuerit, nulla inde sequetur commotio, nullus Consensus, nullum gaudium.

### MOMENTUM DECIMUM QVARTUM, ivane φελαίσιον seu brevissimam repitionem totius Discursus continebit.

**A**tq; sic ex magnetica hac rerum catena durum non erit concludere, omnia in omnibus indissolubili quodam nexu existere, immo omnes res tam arcte invicem connecti, ut etiam si sint contrariarum qualitatum, in unum tamen latente quodam consensu magentico coeant; Vidimus enim pantamorpham rerum naturam, earumq; naturaliam rerum Universas actiones lite quadam & concordia absolvi quomodo siderum chorus hoc vinculo conne-  
ctitur,

situr, ut hoc modo Elementorum corpora  
 strictissimis amicitiae legibus invicem fovent;  
 Examinavimus meteorum conjugia, quomo-  
 do nunc horridos moliuntur conflictus, jam  
 pacis foedera pangunt. Proposuimus illum con-  
 sensum quem foveat terraqueus globus, qui tan-  
 quam cæterorum basis omne quicquid in illum  
 projectum fuerit, avido quasi suetu attrahens,  
 illudq; veluti salutare gluten, ad procurandas  
 generationes rerum, in interiora geocosmi  
 viscera defert. Probabili discursu illum expli-  
 cuimus amorem, quem exercent siderum globi  
 in maria eorumq; sinuosa volumina, exploravimus  
 ea pacis & rebellionis foedera, quæ in  
 universa plantarum Oeconomia, curiosorum  
 animos mirificè mulcent. Sympathiam atque  
 Antipathiam istam, quam in toto animalium  
 regno, animadvertisimus, hisce rationum arti-  
 culis adjunximus, mirabilem Imaginationis  
 virtutem enodavimus, exploravimus Veneni  
 stupendas vires & effectus, tandemque admi-  
 randam facultatem magneticam Musices pro-  
 babili scrutinio intra argumenti hujus momen-  
 ta coarctavimus. Hæc sunt B. L. quæ ingenii  
 mei tenuitas è tam arduo argumēti eruere  
 potuit. Supereft te rogem, velis hasce rudes  
 boni consulere pagellas, cum in hisce abditis-

simarum rerum mysteriis, minerva mea & ratio instituti ulterius me progredi vetuerint.  
 Arcana quippe naturæ illius est scire, qui eadem ipse formavit, qui omnia in omnibus inferiora in superioribus, in laudem sui, in perfectionem magni mundi, & utilitatem hominis magnetico quodam vinculo, modo imperficiabili, combinavit, qui corda nostra avido magnete, ad beatarum mentium tabernacula trahit, tracta inter æternitatis jubila collocat, collocata autem ita conjungit, ut nunquam separari amplius possint. Huic itaq; sit Laus, Honor & gloria perennis, qui unica animarum nostrarum, quies, centrum,

MAGNES !!!



Literarum politiorum culturâ, Virtutum elegantiâ, nec non morum gratiorum decentiâ apprime commendabili & Pereximio

Dn. DANIELI HAGERT,  
Amico & Affini suo, sincero animo colendo, *De Magnete rerum Naturam acute & eruditè differenti.*

Συγχαρισμὴ τεστοφόρησις:

**A**bdita tantarum penetras cum viscera rerum.

Noſter HAGERT, clario potes inclarescere lauro;  
Qvod per tot naturæ obices, totidemq; latentes  
*Per Magnetismos varios*, per qvicqvid ubiq;  
Noſte sagax satagit mens, vel nescire recusat,  
*Vadis iter laudum*, & vastas diffusa per artes  
Colligit in placidum *Presens Discursus acervum*;

Hinc capies, qvondam qvod non cepisse putasti,

Quodq; suis solita eſt Pallas conferre ministris,  
Fœnus opimum, pergratos fructusq; laborum;  
Quæ Tibi mente piâ gratabitur hæcce Thalia.

ELIAE WOIVALENII

Scb. Catb. Ab. Con-Rektoris.

G

Per-

DN. DANIEL HAGERT;  
Amicorum & Patriotarum svayissime.

Ille est ingeniorum subtiliorum vigor, illa a-  
lacritas, ut spretis Iudicris & vulgaribus, nul-  
lo non tempore in id incumbant, ut arduarum  
& abstrusarum rerum scrutinio, acumen suum  
magis magisq; polire cultiusq; reddere possint.  
Ex horū etiam ordine te esse, O flos pubis Aca-  
demicæ! nemo inficias ibit, siqvidem industriam  
tuam, specimine publico, Præceptoribus & orbis  
erudit magnatibus probaturus, Dissertationē  
adornasti præsentem, de argumēto in universo  
circulo philosophico maxime vexato & abdito,  
nimicrum admirabili rerum naturalium concor-  
dia, qvam vim Magneticam appellant, & ejus-  
dem stupendis ac prodigiosis effectibus. Variæ  
occurrunt discrepantes sententiæ, de operatio-  
nibus sympatheticis, quæ etiam sapientum fati-  
gant mentes, dum alii earumdem causas ad De-  
um naturæ auctorem, immediate referunt; alii  
intelligentiis tribuunt; alii corporum cœlestis-  
um influxui adscribunt; alii occultis qualitati-  
bus assignant. Tu vero omnia qvæ ad illam  
materiam spectant accurate & solide tractasse  
videris in discursu tuo docto & nitido, quo e-

ruditionis Antistitum, & literarum Patrono-  
rum gratiam tibi conciliabis, qvi ex ungve ut  
ajunt leonem cognoscentes, labores tuos me-  
rito ornabunt brabeo. Ego vero qui plus pon-  
deris inesse pio voto existimo, qvam inani ver-  
borum prolixitati, sincerè precor ut in poste-  
rum felici remigio rem geras, Literatorum  
evasurus delicium, sanguine junctorum ingens  
solatum, amicorum & bene cupientium soli-  
dum gaudium, inter quos haud postremum  
locum sibi vidicat

*Tui cupidissimus,*

ERICUS TAMMELINUS, Nyl.

---

*Pereximie atq; Praestantissime Dn. Resp.  
Præceptor & studiorum meorum direc-  
tor honoratissime!*

**E**ruditio qvam nobilis gemma, & qvod gemmā  
multo adhuc nobilior sit, cuivis etiam qui  
primas ejus delicias gustaverat facile constat;  
Illa qvippe ad virtutem nos dicit & sapientiam:  
Hec illa supplex quæ ubiq; terrarum nos comi-  
tatur, nec ante dominium, qvam vita destituit,  
ideoq; fluxis his ac caducis fortuna ludicris  
longe preferenda: Hec ipsa fores aperit ad  
digni

dignitatem & honores, addo & opes, nam earum etiam hic seges, nec parator alibi aurea illa messis, que non arrogantiam & fastum, sed comitem habet, sed summum juvenutis decus, modestiam & animi submissionem. Ad hoc excelsum doctrinæ culmen, Praeceptor bonoratissime, propius sanè accessisti, ac thesaurum hunc optimum summam cum laude tibi acquisivisti, que insignis tua eruditio ex hac à te doctissimè conscriptâ dissertatione sat evidenter conspicere potest: Macete itaq; Praeceptor literatissime in doctrinâ tua indies augenda, atq; hos igniculos haud exiguos, hac semina uberrima, quæ summus illo naturæ Parens, cœlitus, largâ in te manu contulit, fove, cole, matura: Quod emenso tandem feliciter studiorum cursu, Patria ac Reipublicæ emolumentum quæ maximum adferas & communi amicorum applausu, Parentis gratulatione, tuorum gaudio, proprio decoro, honorum deniq; omnium voto, honesti incole ac civis partes aliquando sustineas quod intimo corde vovet!

Nominis tui sincerus æstimator  
& Discipulus obedien-  
tissimus.

CAROLUS BILLSTEEEN,  
Junior.

1803

44.12.6135